

Gvangjsih Minzczuz Bau

广西民族报 aenhauh okbanj: CN45-0036 B.2021 Nd.8 Ng.11 liggaueq sincouj nienz ndwencaet coseiq

Baihguenjbanh:
Gvangjsih Bouxcuengh Swcigih
Minzczuz Cunghgyau Swvu
Veijyenzei
Biengauj okbanj:
Gvangjsih Minzczuz Bause
Geizsoq: Gungh daih 3486 geiz
Geiz neix 8 banj

Gvangjsih Bineix 70 Ik Maenz Haeujcoengh Lajmbanj Saenqhwngh Sam Aen Cienhangh Hengzdoengh

广西今年 70 亿元支持乡村振兴三大专项行动

Mboengqneix, Gvangjsih Bouxcuengh Swcigih Fazgaijveij daengj 4 bouhmonz lienzhah yaenqfat 《Gvangjsih Lajmbanj Saenqhwngh Canjnieb Hwnghat Daezswng Giekdaej Sezsih Gunghgung Fuzvu Naengzlig Sam Bi Gunggeng Hengzdoengh Fueng' anq Bi 2021 Hengzguh Dajveh》. Dinghmingz bineix hengzguh lajmbanj saenqhwngh canjnieb hwnghat, daezswng giekdaej sezsih caeuq gunghgung fuzvu naengzlig sam aen cienhangh hengzdoengh, swcigih anbaiz ngaenzcienz bangbouj lajmbanj saenqhwngh 70 ik maenz haeujcoengh

hwnjguh hanghmoeg. It dwg canjnieb hwnghat cienhangh hengzdoengh. Doicaenh aen yienh bangfuz cungdenj lajmbanj saenqhwngh canjnieb hwnghat (ciqcienz diepsik)、cienzgoek douzswh lajmbanj saenqhwngh、bet aen nungzyez canjnieb miz daegsaek、dieg guhyienh nungzyez haedsim miz daegsaek daihneix、aen yienh gunghyez yenzgih sezsih、lajmbanj saenqhwngh doenghnaengz moq gaujhwhz gikleih 6 aen lingjyiz hanghmoeg hwnjguh. Anbaiz swcigih ngaenzcienz bangbouj lajmbanj

saenqhwngh 27.4735 ik maenz. Ngeih dwg daezswng giekdaej sezsih naengzlig cienhangh hengzdoengh. Doicaenh lajmbanj cingceih vanzging vunzyouq、daezswng yiengh mbanj hengzdoengh、gyaudoeng giekdaej sezsih、daemzraemx dwknaz giekdaej sezsih、yanghein ceihleix raemxuq nyapnyaaj、hawsingz giekdaej sezsih hwnjguh、saenqsik vangjloz giekdaej sezsih、soqcih lajmbanj hwnjguh 8 aen lingjyiz hanghmoeg hwnjguh. Anbaiz swcigih ngaenzcienz bangbouj lajmbanj saenqhwngh 32.4735 ik maenz.

Sam dwg daezswng gunghgung fuzvu naengzlig cienhangh hengzdoengh. Doicaenh daezcaet gya-gvangq giekdaej gyauryuz、daezswng gunghgung veiswng fuzvu naengzlig、daezswng gunghgung vwnzva diyyuz fuzvu naengzlig、daezswng gunghgung ndawbiengz fuzvu naengzlig、daezswng gunghgung couhnieb fuzvu sezsih 5 aen lingjyiz hanghmoeg hwnjguh. Anbaiz swcigih ngaenzcienz bangbouj lajmbanj saenqhwngh 10.06 ik maenz. (Veiz Giconh)



Hocouh: Gohgi Bang-rengz Hwnghat “Feihyiz”

贺州:科技助力“非遗”展翅

Mboengqneix, Hocouh Si Bazbu Gih Aen Gvanj Swncienz Vwnzva Ndongdaenj Yauzcuz douzcienz 30 lai fanh cawx aen sezbei siuqva ndeu, vih guekgya gaep “feihyiz” ndangdaenj Yauzcuz conzdungj gyahwnj “doiq fwe” gohgi seizdaih moq, saedyienh siuqva vaiq baenz 100 boix doxhwnj, daezsang guhhong yauqlwd rengzrwd caeuq hawj doh hawciengz aeuyungh. Ndwen 8 ngoenz 8, guekgya gaep bouxswncienz “feihyiz” ndangdaenj Yauzcuz caeuq vunzhong cingq yawj baenzlawz yungh aen sezbei neix. (Vangz Yuzhuz)

《Deihleix Cungguek》Lanzmuzcuji Daengz Fuconh Goepingj Benqgeiqloeg Aenmbanj Miz Daegsaek Minzczuz

《地理中国》栏目组到富川拍摄民族特色村寨纪录片

Ndwen 7 ngoenz 29 daengz ndwen 8 ngoenz 4, ndaej daengz Guekgya Minzveij cujci, Cunghyangh Densidaiz 《Deihleix Cungguek》lanzmuzcuji daeujdaengz Fuconh Yauzcuz Swciyen goepingj aenmbanj miz daegsaek minzczuz. Yungh 7 ngoenz goepingj, goepingj neiyungh lai, gak loh cungj miz, baugvat dieggaeuq miz daegsaek、swncienz din-fwnghz conzdungj minzczuz、“feihyiz” vwnzva、conzdungj minzsuz daengj, hawj vunz daj lai fuengmienh roxyinh gij conzdungj minzczuz minzsuz vwnzva naekna、gij minzczuz fungcingz mizyinx noengznwd Fuconh. Baez goepingj hozdung neix dwg gij

saedguh minzczuz doxgiet cinbu caeuq lajmbanj saenqhwngh doxgiet ndeindi. Doenggyaq goepingj senhconz, yienh'ok gij gyaundeih aenmbanj miz daegsaek minzczuz、gij gyaundeih swnghdai vanzging caeuq gij gyaundeih byaraemx, lwnghangj gij gojgaeq minzczuz doxgiet cinbu Fuconh gak minzczuz doxgyau dox baedauq doxyungh, hawj vunzlai lai rox Fuconh, depgyawj minzczuz vunznioix, caenh'itbough cukmaenh gij eiqsik caezcaemh Cunghvaz Minzczuz, bangrengz lajmbanj hwnghat lijyouz, doidoengh lajmbanj saenqhwngh, coicaenh gizdieg minzczuz ndawbiengz ginghci hwnghat. (Dwng Vangzyi Lij Sezyiz Couh Yez)

Coenz Vah Siz Ginbingz

习语精读

Cunghgoz Gungcanjdangj itloh daiqbiuj gaenbonj leih' ik gyoenq bekkingq, caeuq bekkingq ndei rwix doxgven、dai lix doxbaengh, mbouj miz leih' ik daegbied saek loh duh bonjfaenh, coengzlaiz mbouj daiqbiuj gij leih' ik saek aen cizdonz leih' ik、saek aen donzdij gienzsei, saek aen gaihcnghz dwzgenz. Sojmiz naemj hawj Cunghgoz Gungcanjdangj caeuq Cunghgoz bekkingq mbek hai、doiqdingj hwnjdaej, cungj haengjdingh guh mbouj ndaej! —Gij gangjvah Siz Ginbingz youq Aen Hoih Angqhoh Cunghgoz Gungcanjdangj Laebbaenz 100 Hopbi

中国共产党始终代表最广大人民根本利益,与人民休戚与共、生死相依,没有任何自己特殊的利益,从来不代表任何利益集团、任何权势团体、任何特权阶层的利益。任何想把中国共产党同中国人民分割开来、对立起来的企图,都是绝不会得逞的!

——习近平 2021 年 7 月 1 日在庆祝中国共产党成立 100 周年大会上的讲话